

Radøy kommune

Saksframlegg

Saknr	Utval	Type	Dato
068/2016	Kommunestyret i Radøy	PS	08.12.2016

Sakshandsamar	Arkivsaknr.:	Dokumentnr.:
Arthur Kleiveland	16/1600	16/15192

Førebuaude fellesnemnd for ny kommune - mandat

Saksopplysingar:

Førebuaude fellesnemnd for ny kommune skal arbeida utfrå eit mandat som er godkjend i kommunestyra i Lindås, Meland og Radøy. Førebuaude fellesnemnd har kome med si innstilling til kommunestyra om kva mandatet skal vera.

Mandatet gjeld til fellesnemnd etter Inndelingslova er oppretta.

Førebuaude fellesnemnd skal starta kommunesamanslåinga gjennom å:

- Setja i gang kartleggingsprosjekt som skal vera grunnlag for vidare arbeid.
Døme: IKT, dokumenthandtering, arbeidsgjevarpolitikk, personalsystem.
- Godkjenna utkast til samla framdriftsplan for samanslåingsprosessen. Framdriftsplanen vert endeleg godkjent i lovforankra fellesnemnd.
- Godkjenna utkast til budsjett for fellesnemnda si verksemd frå 2017 til og med 2019.
- Godkjenna utkast til prosjektorganisering.
- Førebels fellesnemnd skal engasjere prosjektleiar- og kommunikasjonsressurs for arbeidet fram til lovforankra fellesnemnd er etablert.
- Førebels fellesnemnd skal sjå til at reglar og avtalar om tilsette og tillitsvalde sin medverknad i tilhøve som gjeld samanslåing av kommunane vert ivareteke.
- Medlemmene i førebels fellesnemnd er arbeidsgjevar sine representantar i partssamansett utval for samanslåingsprosessen.
- Førebels fellesnemnd skal etterspørje og avklare alle prinsipielle tilhøve som gjeld samanslåingsprosessen.
- Førebels fellesnemnd kan uttale seg i saker som er til handsaming i kommunane sine ordinære utval og som fellesnemnda meiner kan ha konsekvensar for samanslåingsprosessen.
- Førebels fellesnemnd har eit spesielt ansvar for å vurdere saker med økonomiske konsekvensar og vurdere kommunane sine økonomiplanar for budsjettåret 2020 som vert vedtekne i desember 2016.

- Førebels fellesnemnd skal søkja å oppnå konsensus i alle avgjerder.
- Prosessen for tilsetjing av prosjektleiar - inkludert korleis tillitsvalde skal inkluderast på ein god måte, skal handsamast av partssamansett utval. Utvalet skal handsama saker som gjeld tilhøvet mellom den nye kommunen som arbeidsgjevar og dei tilsette. Utvalet skal gi uttale i saker som gjeld overordna personalpolitiske spørsmål, retningsliner og planar i samband med kommunesamanslåinga.

Førebuande fellesnemnd si innstilling til kommunestyret:

Mandatet til førebuande fellesnemnd vert vedteke slik det ligg føre.

Førebuande fellesnemnd kan setja ned politiske arbeidsgrupper ved behov.

Kommunestyret i Radøy - 068/2016

KS - handsaming:

Kommunestyret vedtok samrøystes innstilling frå Førebuande fellesnemnd.

KS - vedtak:

Mandatet til førebuande fellesnemnd vert vedteke slik det ligg føre.

Førebuande fellesnemnd kan setja ned politiske arbeidsgrupper ved behov.